

DISPUTATIO IVRIDICA,
De
AMICABILI DI-
VORTIO,

Quam

Annuente Summo Numine,

SUB PRAESIDIO

HENRICI HAHNII ICTI
Celeberrimi, Codicis Professoris Ordinarij &
DICASTERII Guelpherbytani adfessoris gravissi-
mi, Dn. Præceptoris, Promotoris & Hospitis sui
enixâ observantiâ co-
lendi



Publico examini subiiciet

CHRISTIAN GALE Auctor.

In Iuléo majori

AD DIEM XXV. Augusti



HELMESTADI,

Typis HENNINGI MULLERI Acad. Typog.

Anno MDCCCLX.



V I R I S

*Magnificis, Amplissimis, Nobilissimis &
Consultissimis*

DN. HENRICO BESSELIO ICTO,
quondam Mindensi nunc Lüneburgensi
per Ducatum Harpurgensem Cancellario

DN. HENRICO MEIERO ICTO,
Liberae Imperialis Reip. Bremensi
Consuli,

DN. HENRICO HAKIO ICTO,
Consiliario Anhaltino,

DN. IOHANNI FRIDERICO ZEP-
PERO ICTO, Reipubl. Imperialis Bre-
mensis Senatori.

Dominis Mæcenatibus, ad finibus & fratri
perpetuum venerandis.

*Hunc Discursum Academicum sa-
crum esse jubet*

Christian Hafe



I. N. J.

THESIS I.

Quia inter omnes homines jus aliquod, siue amicitia necessario intercedit, *teste Aristotele lib. 8. Ethic. cap. 11. & 12.* sanè quoque in jugali societate amicitia quædam deprehenderetur: *rursus Aristoteles lib. 8. Ethic. c. 8. c. 12. & 13.* Ex supereminentia autem illa esse dicitur, siue inæqualis, quod inter inæquales, & quorum diversum sit officium, constituatur. *Aristoteles 8. Eth. cap. 14.*

II.

Maxima verò hæc amicitia est, quia sub initium mundi quando Auctor naturæ ardentissimam cupiditatem cunctorum animantium corporibus admiscuit, eam in homine ardentiorē adhuc & acriorem esse voluit; unde est; quod homines necessario ad invicem coalescant: *præclarè hac de re Aristoteles 1. polit. 2. & 2. de generatione animalium cap. 1. differit: addatur Lætantius divin. institut. lib. 6. cap. 23.* Tum præterea inter conjuges arctissimam societatem esse, hac quoque ratione patescit; quod omnia fere inter se communicent, & mulier rerum, quæ mariti sunt, quodammodo domina fiat, & vice versa: *vid. l. 1. D. De act. rer. amot. l. 1. §. 15. D. ad S&f. Silan. l. 4. C. de crim. expil. hered.* Denique invidtum est argum. quo hoc manifestò ostendit *Aristoteles lib. 8. Eth. cap. 14.* Nempe, In quacunque amicitia speciem omnia amabilia concurrunt, ibi flagrantissimus est amor & maxima amicitia; In conjugali

ita est; manet igitur quod sit maxima amicitia. Major est extra dubitationem: *assumptum* autem ante citato loco sufficientissimè Aristotel. probavit, quæque amabilia illa sint perfectè exposuit. 111.

Quoniam tamen non semper, neque in omnibus conjugijs, neque æquali utriusque partis studio ad amabilia illa respicitur; quia præterea ob naturæ diversitatem multoties non convenit inter partes, & sæpe insuper, quod proportionè supereminentiæ requiritur, ab invicem non redditur, hinc observare est, alia matrimonia esse longe firmissima, alia verò propè dissolutionem. Atque in his querelæ frequentes erunt, multumque litium eam potissimum ob rem, quod non consequatur quisque quod speraverat aut intenderat. *uti Aristoteles d. l. c. 15. in princ. latissimè hoc exequitur.*

IV.

Profecto enim atroces & irreconciliabiles solent esse conjugum inimicitia. *Magis quippe irritatur animus contra familiares & amicos, quam contra ignotos si contemni se putet. Aristoteles lib. 7. polit. c. 7. in medio ferè & paulo inferius; à quibus beneficium expectamus, ab hisce ledi gravissimum est; & qui se nimium amant, hi se nimium oderunt. Maturè itaque opus fuit remedio, ne jurgia illa in infinitum extenderentur, inventaque est divertendi licentia, siquidem commodè matrimonium retineri nequeat.*

V.

In quamplurimis rebus publ. hanc ob causam usum divortiorum fuisse extra controversiam positum esse arbitror: & quorundam mentionem facit *Amplissimus & Consultissimus Dn. Præses Promotor atque Præceptor meus venerandus in Observatis suis Tit. de divortijs & repudiis n. s.* quanquam diffiteri haud liceat, aliter atque aliter.

aliter legibus singulorum populorum hac de re constitutum fuisse. Romanos etiam, tanquam prudentissimos LLatores, minimè præteribat, studium de nuptijs tam constituendis quam dissolvendis sibi debere esse commendatissimum. *videat. cui volupe est, Nov. 22. præfat.* ubi elegantissima Iustiniani Imperatoris verba annotare licet. Ea propter sapientissimè multa de ijs sanciverunt & ampliori sollicitudine hic, quam in alijs usi sunt; diversas quoque discedendi ab invicem rationes excogitarunt.

VI.

Inter illas reperitur aliquis divertendi modus, quo amicabiliter personæ conjunctæ separabantur: de illo modo succinctè, ad breviter ubique respiciens, acturus sum. Quo vero ordine progredi liceat, initio de voce ipsa ejusque definitione ac divisione dicentes, transibimus inde ad causas ejus varias, & paucis, an justitiæ pro illo rerum statu conveniens fuerit, pertexemus, prætereaque aliarum gentium jura & eorundem convenientiam aut disconvenientiam strictim quoque percensebimus; deinde an quædam solemnia adhibita, & quis effectus fuerit commemorantes, ultimò quomodo hæc mutata sint hodie attingemus. Faxit Deus T. O. M. ut hic qualiscunque conatus, felicem exitum sortiatur.

VII.

Hoc vestibulo Disputationi nostræ quasi præfixo, in rei ipsius investigationem feliciter provehemur, si tamen & vocabuli notitiam ante eruerimus. Notandum igitur est, amicabile hoc divorcium multas passim in legibus sortiri appellationes: ita 1. vocatur repudium missum utriusque consensu & communi voluntate *l. 9. C. de repud. & jud. de mor. subl. Nov. 140. præfat.* 2. Transactio de matrimonio *l. 12. C. de repud. & c. 3.* bona gratia facta dissolutio

l. 6. D. de divorc. & rep. l. 14. §. 4. qui & à quibus man. l. 1. §. fin. C. de rei ux. act. Nov. 22. c. 4. Nov. 140. pref. (obiter hic addo, vocem gratiæ esse ex vocabulis medijs, quæ utroque versus dici possint, & à Gellio lib. 12. c. 9. Noct. Att. disertè interea recenseri: quibus multa alia addi debent & possunt;) 4. mitior nuptiarum solutio d. Nov. 22. c. 14. §. discessio conjugum ab invicem sine ira animi & offensa l. 32. §. 10. De donat. int. Vir. & Vxor. Plutarchus vocat μεῖζ & ὀφύλας. Tertulliano autem amica separatio dicitur. Vox divorcij quid significet, expeditur Consultissimus Dominus Præses in Obs. d. 1. de divortijs & repud. n. 6. adde Rittersh. expof. Novell. p. 4. c. 7. n. 5. Cujac. in parat. C. de repud. & jud. Godd. adl. 101. §. 1. D. de V. S.

IIX.

Nunc ad ipsam definitionem accedens dico, quod amicabile divortium sit *actus, quo dulciter & graciosè sine ira animi atque offensa conjugium dissolvitur, animo perpetuam constituendi dissensionem.* Genus constitui actum, idque puto convenientius longe fieri, quàm si cum Rittersh. Expof. Nov. p. 9. c. 10. n. 50. distractum appelles. Sine dubio enim firmiter ita colligere licet. *Cuius contrarium non est contractus, illud non est distractus. Atqui divortium est id, cuius contrarium (nempe nuptia) non est contractus* E. Major propositio ex doctrina contrariorum est verissima. Minoris propositionis certitudo demonstratur hoc modo. *Ubiunque nullum synallagma intervenit, ibi contractus quoque non erit; Atqui in matrimonio ita sese res habet; E.* Nam partes hinc saltim consentiunt de conjunctione illa, quam sibi invicem promittunt, ob sobolis generationem & perpetuam vitæ consuetudinem. Quæ præterea in definitione subsequuntur, quasi differentia loco suggestit *ICtus in l. 32. §. 10. De Donat. int. Vir. & Vx.* Dixi quoque conjugium dissol-

vi, ad

vi, ad excludendum siſſimum repudium, de quo *inh. 3. C. de re-
pud. & c. agitur Vid. l. 6. C. ſicert. pet. l. 20. C. de donat. int. V.
& V. addidi tandem animo perpetuam & c. divortium e-
nim alias non eſt verum l. 3. D. de Divort. & rep. d. l. 3. C.
de repud. & c. cap. divort. c. 33. q. 3. Præterea quicquid hic
calore iracundiæ fit, niſi accedente perfeverantia ratum
non eſt d. c. divort. & l. 48. de Reg. Juris. neque adeo divor-
tium vocandum, ſed ſolùmmodo fribuſculum eſt *vid. l.
32. §. 12. de donat. int. Vr. & Vx.* (nota brevibus friguſcu-
lum forrè cum Haloandrina rectius legi, quod maritalis
amoris ardor aliquantisper refrigeſcat, ſicuti placet *Am-
pliſſ. & Conſult. Dn. Eichelio Præceptori & Promotori meo per-
petuum colendo in Diſſertat. de Interpret. Legum. p. 1. c. 23.**

IX.

Excipit definitionem ex ordine diviſio: diſtingui ita-
que rectè videtur hæc amica ſeparatio, quod facta fuerit
vel ex ratione & cauſa nulla, vel ex cauſa aliqua rationabi-
li. Fundamentum huius diſtinctionis paſſim in juris text-
reperitur, in *Nov. 22. c. 4. Nov. 117. C. 10. Nov. 140 præfat.*
Unde etiam explicare in proclivi eſt, quid ſit ſine ulla cau-
ſa divertere; nimirum indicta & ſuppreſſa cauſa ab invi-
cem recedere, & uti ipſa verba textus habent, tamenſi
cauſas ob quas tuto id illis facere lex concederet, nullas
afferre poſſent, diſtrahi nihilominus dividique matrimo-
nium poterat. *Vid. Rittershuſ. expoſ. Novell. p. 4. c. 7. n. 7.
Cujac. expoſ. Nov. 22. pag. m. 374.*

X.

Ordinis ratio jam expoſtulat, uti cauſas & rationes
indulti huius amicabilis divortij alius reperamus. Et ini-
tium quidem, quantum pertinet ad amicam iſtam ſeparati-
onem, quæ ſine ulla cauſa fieri ſolebat, illa vel ideo intro-
ducta eſt, quod perſuaſiſſimum ſibi haberent Romani, ni-
hil tam

hilitam naturale esse, quam unumquodque eo genere dissolvi, quo colligatum est. Hæc regula fuit in ore Romanorum frequentissima: exempla sunt in l. 35. de Reg. Jur. l. 153. Eod. §. ult. Inst. Quibus mod. toll. oblig. l. 58. de pactis. l. 20. de Solut. l. 1. 2. C. Quand. lic. abempt. l. 3. C. de Rescind. vend. ad de cap. omnis. c. 27. q. 2. c. 1. i. de Reg. in 610. vid. VVesemb. Paratit. de Divort. & rep. n. 7. Kitzel. synopsi matrimon. C. 8. theor. 1. lit. A in exegesi. Cui consequenter hanc etiam consocietatem initam, rursus dissensu contrario tolli posse statuebant, & sic medium illud concludendi ad conjugia quoque aprabant, inspicitur Nov. 140. c. 1. ibi si mutua affectio matrimon. conficit, merito diversa voluntas &c.

XI.

Movit adhuc insigniter Roman; Llator: quod sæpe ex minimis frivisculis sive frigusculis maxima inter conjuges odia & jurgia exoriantur, sicuti apud Plutarchum Paulus AEmilius inquit referente Hoppero ad Pandectas lib. 5 Tit. de nuptiis. Quodque neque moniti ab inimicitia recedant, neque minis territi ab odio desistant, & nec alia ratione discordia mitigari, aut pax componi queat. *vid. d. Nov. 140. prefat.* ubi elegantissimè disputatur. Illis rerum argumentis inductos esse Roman. ut permiserint conjugibus ab invicem divertere, nulla quoque causa divorrij allegata, perest verosimile.

XII.

Accedendum jam est ad alterum distinctionis membrum, quando ex causis rationabilibus bona gratia solvitur matrimonium: *hujus etiam fundamenta in Nov. 22. sparse expostare reperimus.* Videamus primò de Monachismo, ubi vel unus ex conjugibus vel uterque in cœnobium ingrediebatur Nov. 22. c. 5. Nov. 117. c. 10. l. 53. §. fin. l. 56. princ. C. de Episc. & clericis Authet. quod hodie. C. de repudiis. Atque hanc

hanc ob causam concessum esse divortium, duplex ratio apparet. 1. favor perfectionis & castitatis sive continentiae & religionis; quam homines in monasterijs sese affecuturos existimabant. *praeclare enim Imperator Iustinianus Nov. 3.* inquit. Conversationis Monachalis vita sic honesta est, & sic commendare novit Deo ad hanc venientem hominem, ut omnem quidem humanam ejus maculam detergat. &c. adde *Nov. 133. prafat.* 2. Ratio est, quod Monachismus morti comparatur, causa ejus assimilationis est in d. l. 53. *ibi quasi videatur is qui divertit à communi alterius &c. Vid. Pontii tract. de Sacram. matrim. lib. 9. c. 1. n. 3. adde Cujac. Nov. 22.*

XIII.

Alius modus dissolvendi matrim. bona gratia ex certa probabili & rationabili causa est impotentia; ob quam ante jura Novell. biennio, postea triennali oscitatione interjecta divertere licebat vid. *Nov. 22. c. 6. & l. 10. C. de repud. & jud. Cujac. d. N. 22. pag. m. 374.* Rationes ejus juris pariter non sunt in obscuro, quod sc. talis Maritus vel etiam Uxor, nequeat superesse illi negotio, cujus causa matrimonium est institutum. Initur quippe matrimonium liberorum procreandorum causa, quod etiam tabb. nuptialibus vulgo inferi solebat. *Barnab. Briffon. de formulis P. R. Vide Poncium d. l. n. 4. Rittersh. expos. Nov. p. 4. c. 7. n. 10. adde Cujac. d. l.*

XIV.

Sitamen accuratius hæc res disputanda sit, distinctiones nonnullæ adhibendæ videntur. v. g. an impotentia ab initio, ubi primum contrahendum fuit matrimonium, adfuerit; an demum ex post facto supervenerit, item an perpetua sit an temporalis & accidentalis; unde diversæ quoque appellationes, quæ rebus sint consequentes, sent: & modo rescissum atq; irritatum matrimonium modo ab initio nullum fuisse dicitur; potest videri *Nov. 22. c. 10.*

Succedit tertius modus, quo ex causa rationabili bona gratia solvitur matrimonium, nimirum captivitas. In hoc autem capite multipliciter distinguendum erit inter diversa tempora & jura. Incipiamus à vetustioribus, quo captivitate sicuti servitute dirimebatur matrimonium. *1. D. De divort. & repud. l. 56. Solut. matr: l. 12. §. 4. De captiv: & postl. revers.* Vbi ampliationes binas ex *d. l. 12 §. 4. l. 8. l. 14. §. 1. Eod. annotat Poncius d. 11: & l. n. 6.* Exceptionem tamen ibidem notare debemus si mulier, quæ nondum ad secundas concupiscentias venit, novo consensu cum eo, qui postliminio redit, redintegret matrimonium; aut etiam si absque probabili causa repugnet, quod pœna dissidij, divortijque injusti teneatur. Ratio, quare tum solum sit matrimonium est, quod fortunæ inæqualitas æqualitatem ex nuptiis manere haut sinat *sape d. Nov. 22. c. 7.*

XVI.

Quoniam vero hæc ratio scrupulosa Iustiniano, subtilisque videbatur, hinc Novello jure Imperatori, humaniustalia contemplanti, aliud placuit *d. c. 7. & Nov. 117. c. 12.* Indeque ita habendum: aut constat maritum vivere in captivitate, manente in civitate muliere (in hoc enim exemplo maneamus) aut incertum est, illo casu neutiquam licet, nisi pœnam injusti divortij & adulteræ incurere velit; hoc casu si elapsum est quinquennium, extra periculum erat si haberet *d. Nov. 22. c. 7. adde Nov. 117. c. 12.* Ratio quare tum licuerit alij nubere, hæc dari potest, quod tum memoriam maritis satis prolixam habuisse censeantur mulieres, & sit multum temporis absentes præstolata, sint: facit quoque, quod scrupulositas & subtilitas rationis illius de inæqualitate personarum, hic quadantenus cessare videatur. *Vid. omnino Pontium d. l. n. 6. Rittershoff.*

Expos. Nov. p. 4. c. 7. n. 11. bene quoque hoc exposuit Eberh. Speckhahn. Antecessor quondam hujus Academ. famigeratis. in Expositionibus Nov. quæ mihi manuscriptæ obtigerunt Nov. 22.

XVII.

Vicina quæstio est de eo, qui in expeditione moratur, atque hic etiam magna jurium varietas occurrit; patet, quod diximus, *ex l. 61. De donat. int. v. & u. l. 7. C. de repud. &c. Nov. 22, cap. 14. Nov. 117, cap. 11.* fuit autem procul dubio ante hanc *Nov. 117, cap. 11.* adhuc ex numero causarum bona gratia matrimonium periclitum. Ratio generalis est expressa *in d. l. 61.* quod commodè matrimonium retineri non possit, & addi potest specialior illa, quod maritus hoc sibi imputare jure merito debeat, qui tamdiu ad uxorem tacuerit *Vid. Nov. 22, cap. 14.* quodque uxor extra culpam sit, quæ post tam magni temporis iugitatem, non temere nec clauculò, sed publicè testatione deposita, nupsisse firmatur, ut eleganter *in l. 7. C. de repudiis &c.* exponitur *vid. Cujac: nov. 22, pag. m. 275. Pontii: d. l. n. s. prædictus Dominus Speckhahn, d. Nov. 22. fuscè hoc item pertractat.*

XIIX.

Expediendus quoque locus de servitute, ista enim bona quoque gratia solvebatur matrimonium *Nov. 22 c. 9.* Ratio est, quod superveniens servitus non multum à morte differat, & jure Romano cum servis non erat connubium, neque dos, neq; donatio propter nuptias &c. *§. 12. Inst. De nuptiis. l. 56. Solut. matrim: l. 58. de cond. & demonstrat: l. 3. C. de in cest. & inutil. nupr.*

XIX.

Iam de deportatione inspiciamus; qua etiam bona gratia solutum quondam fuit matrimonium *l. 56. solut. ma-*

rim. & arg. l. 17. §. 1. de pœnis. Ratio est quod deportatus fiat peregrinus, cum peregrino autem justæ nuptiæ esse non poterant, *princ: Inst. de nuptiis* · licebat itaq; mulieri tum divertere si mutare affectionem veller. *vid. l. 1. C. de repud: &c. Vid. Cujac: ad Nov. 22. & Poncium. d. l. n. §.*

XX.

De Senectute, quæ & huc olim relata fuit, ut est in *l. 61. de donat: inf. V. & V.* gratæ brevitatis ergo nihil attingam. De sterilitate pariter nihil hic adjiciemus, quæ & ipsa nihilominus causa fuit bona gratia solvendi matrimonium *l. 60. d. 1. exemplum talis divortij, quod in Spur: Carbilio Ruga accidit eleganter refert Gellius Noct. Att. lib. 4. cap. 30. vid. quoque Goddæum ad L. 101. §. 1. De V. S. & Coras: Miscell. lib. 5. cap. 10. ubi superiori aliud exemplum de Sylla ex Plutarcho annectit.* Cœterum ex quibus principiis & causis ita direptam matrimonia sint, tui vis obvium est.

XXI.

Olim & Sacerdotium hujus classis erat *d. l. 60.* quia vero non est expeditum, quid propriè per sacerdotium ibi intelligatur paulo hic subsistendum est. Convenientissimè autem hoc explicat Rævardus ex Tertulliano, ille lib. *demonagam.* ita inquit Cereris sacerdotes viventibus etiam viris & consentientibus, amicitabili separatione viduantur. Et in exhortatione ad castitatem: *Noveram,* inquit, continentes & quidem Tauri illius AEgypti Antissites faminas vero Cereris Aphricanae, cui etiam sponte abdicato matrimonio ad senescentiam exinde adempto contractum a seculorum usque ad oscula filiorum. Quibus etiam addi potest, quod sic ad uxorem idem Tertullianus lib. 1. scribit Cœterum viduas Aphricana Cerei adfistere scimus, durissima quidem oblivione matrimonij adlectas. Nam manentibus in æternum viris, non modo thoro decedunt, sed & alias, eis usque ridensibus, loco suo insinuanti, adem-

pro omni contactu, usque ad oscula filiorum. Atque ita quidem divortium illud, quod propter sacerdotium fieri dicitur, satis ex Tertuliano intelligimus ad Aphricanæ Cere-
ris sacerdotium referendum esse, & quod isti dicunt divor-
tium bona gratia, id Tertul. amicabilem separationem
vocat. *Vid. Ravard. Conjectan: lib. 1, cap. 2, Aliiter nonni-
hil Gothof: ad d. l. 60.*

XXII.

Nunc illud disquirendum est, an justitiæ conveniat bona gratia divertere. Sanè acerrimum vinculum est inter conjuges, nec facile dissolvi par est, quod tam sanctè tam religiosè est colligatum. Neque frustra sit, qui ad-
dubitet, an rationes & causæ illæ, quas singulis capitibus subjecimus, & ad quas Romani respexerunt, adeò sui va-
leant momento, ut contra legitimam accusationem hunc divertendi modum defendant.

XXIII.

Negari quidem haut potest, divortium in se nihil ha-
bere sceleris, & certis ex causis posse iniri; quin & hoc affir-
mare ausim, ut nulla penitus de causa liceat divertere pacto non posse constitui; quia id ad delinquendum invitaret. & in bonos mores impingeret. *Connan: Commend: juris
civ: lib. 6, cap. 4. n. 1.* Interim vero de amicali hoc divor-
tiores plena est difficultatum: quod si ad vetustiora tem-
pora respiciamus, ibi inveniri forsitan posset, quod justiti-
am hujus causæ sustineret; quandoquidem, uti mox ad-
dam, & Hebræi & aliæ gentes cultiores, unde instituta
sua Romani mutuati sunt, etiam divortiorum licentiæ fi-
bulas non parum laxaverint, ut rectè dici putem, isto tem-
pore divortia aliquid justæ excusationis habuisse. Quon-
quam velim, quod & justius longè fuisset, uti & tum co re-
spexissent Romani, an liberis suffultum fuerit conjugium

an nec, siquidem & naturale est citius hæc matrimonia
quæ pignoribus carent dissolvi, & illa firmiora esse, cum
filij commune ambobus bonum sint, quod autem commu-
ne est connectit *vid. Aristot. lib. 8. Ethic: cap. 14. serè in fine*
quam rationem prudentissimè postmodum quoque secu-
ti sunt Romani, ut *l. 8. C. de repud. &c. docet.*

XXIV.

Quamprimum autem Evangelica lex innotuit homi-
nibus, & Christi atque Apostolorum doctrina hanc licen-
tiam coarguerunt, certè aboleri ea atque tolli debuisset.
Et mirantur quamplurimi, quomodo adhuc Justinianus,
Princeps religiosissimus & sacrarum observantissimus *arg.*
l. 1. C. de Summ. Trin. & fid. Cath. l. 45. C. de Episc: & Cler:
Nov. 131. cap. 1. quo nomine etiam ab Archiepiscopo Ro-
mano multis modis commendatur *l. 8. C. de Sum. Trin. &c.*
à jure divino recesserit. Verùm non ideo proorsus in-
excusabiles sunt Romani, & ipsi Iustiniano venia debetur,
maximè, postquam insigniter licentiam *diverrendi per Nov.*
117. coarctavit.

XXV.

Sciendum enim est, olim doctrinam illam Christi &
ipsius Iustiniani quoque tempore ambigè expositam fu-
isse, ut *Andreas Alciatus lib. 6. parægon. cap. 29. verbis quæ hic*
referre opera pretium videtur indicat. Ego respondeo, cum
qui ecclesia interpretationem sequitur, haud quaquam improbari
merito posse. Cùm ergo Evangelica duo illa dicta, respicere
autem videtur ad *Matth. cap. 5. v. 32. ejusdemque c. 19. v.*
7. aliter olim, id est tempore Iustiniani, intelligerentur, quam
postea factum sit, nihil est quod ei objicere etè possit: etenim
veteres separari ab homine, interpretabantur, qui humanis
affectionibus ductus divertebat: secus si ex legitima causa, quam
apud Episcopos provinciales dixerit, & ita in concilio Agathensi

*cap. 25. declaratur. Evidens sensus dicitur Ambrosius & alij ad In-
stinianum itaque & aliquantopostea. Omnia adscribere non li-
cet ut verborum compendium faciamus, videtur Jacob. Me-
ßer, de jur. L.L. Roman: lib. 2. c. 12. Grot. ad c. 5. v. 32. Matth.*

XXVI.

Hæc probabiliter ad defensionem Romanorum dici vi-
dentur, qui, ut anteverti dicere, ad principium istud, *quod
consensu constituitur, dissensu rursus aboletur*, semper & in o-
mnibus ferè attenderunt: Atque secundum ea in hisce
quoque matrimonialibus causis, quod ex usu reipubl. vi-
debatur statuerunt. Quanquam autem ex ipsis Romano-
rum principiis, *vid. §. ult. l. ult. quibus mod. toll. oblig: l. 3. ff. de
Rescin: vend:* quædam non exigui momenti instantia dari
posset, quod res non amplius integra fuerit; adeoque nu-
dus dissensus hic non sufficiat, sed omnia contrario modo
fieri debeant. Illud autem quia impossibile est, non enim
corporum commixtio extergi, aut infecta fieri potest, vi-
detur matrimonium quoque dissui jure non potuisse. Sed
respondetur, quod Romani quoque hic loci in istud in-
tenderint; etenim mulier à lege viri, & contra vir ab u-
xore liber sistitur, eorumque tollitur societas, singulis eti-
am, quæ vel dotis, vel donationis propter nuptias nomi-
ne intulerant, restituitur. *l. 6. ff. de divort. & repud. arg. l.
10. C. de repud: & jud: de mor: subl.* atque hæc ita contrario
modo agi, sufficere Romani L. latores putaverunt. De-
inde quoque studio averruncandarum litium, quo Ro-
manis nihil fuit antiquius, ut infinitis juris textibus pro-
batur, hæc ita indulta videntur.

XXVII.

Iam de aliorum jurium convenientia aut disconve-
nientia videamus, hanc enim partem huc rejecimus. Et
Seldenus quidem refert jure naturali matrimonium dirimi
potn

potuisse etiam absque singulari aliqua legis permissione, seu repudii causa; & nequidem communi consensu opus fuisse apud Noachidas, sed imò citra ullam omnino causam id distrahi fas fuisse, idque prohibitum uxoris quam viri. Adeò ut pactum matrimoniale ibi non aliud habitum fuerit, quam sociorum contractus. Ita sive viro sive uxore matrimonio renunciante, solum id dicit ex sententia Magistrorum Hebræorum, velut divortio planè legitimo. Quæ profectò, si ita sese habeant, juri Romano veteri in divertendi licentia bene conveniunt, quin imò ampliorem adhuc, & liberiores divertendi facultatem continent, uti ipse *Seldenus* hanc comparisonem instituit in opere de jure naturali: & gen: juxta disciplinam Hebræorum lib. 5. cap. 7.

XXIIX.

Hebræorum jura optimè superioribus annexit *Dier. August: de bono conjugali cap. 8. quando inquit* (refert autem sese ad jus illud naturale) simile quid propter Israelitarum duritiem videtur permisisse Moses de libello repudij. *Mosis verba hac de re in cap. 24. deuteronom: ista sunt,* si acceperit homo uxorem, & habuerit eam, & non invenir gratiam ante oculos ejus, propter aliquam foeditatem, scribet libellum repudij: paulo post: *si ipsi non complauerit & des libellum repudij.* Hæc uti pene similia sunt juri illi naturali, ut ex sententia *August:* & rei ipsius evidentia constat, ita quoque à Romanorum institutis non longè abeunt.

XXIX.

De Atheniensibus monumenta historiarum produnt, quod tam vir quam mulier potuerit alteri dicere, ut res suas sibi haberet: vid *Plutarch in Alcibiade: & nomina illius*

lius rei propria jure Attico prodita erant, ut si vir discederet, ab uxore hoc diceretur ἀποπομπή, si uxor à viro ἀπόδε-
ψας: quas voces memorat *Julius Pollux onomast. lib. 3. cap. 3.*
Differentiam autem illarum vocum rectè exhibet *Samuel
Pestis. ad LL. Atticas lib. 6. cap. 3.* illa jura Attica rursus à
jure Romanorum haud procul recedunt.

XXX.

Libet hic quoque addere, quod *Alphonsus à vera cru-
ce specul. conjug. pars. 2. art. 5. refert*, quòd divortij usus pro
libitu alterutrius conjugum apud novi orbis incolae repertus sit.
De Turcis *Busbequius Epist. 3. observatum est*, divortia inter
illos fieri pluribus de causis, quas viris comminisci faci-
lè sit. Nos prolixius hunc locum non tractabimus, &
disconvenientia facilè ex collatione horum jurium appa-
rebit.

XXXI.

Solemnia quædam in hoc divortio intercessisse indu-
bium est, & legitima observatione fieri debere divortium
constat, aliàs matrimonium non solvebatur: videatur
l. 35. de donat inter vir & uxor: l. 9. ff. de divort. & repud:
Formula pariter divortiis usitata hic interveniebat vide
*l. 2. ff. de divort & repud: addet Kirzel: synops. matrim: cap. 8.
litt. c. in exegeſi.* Ex illo tamen, quod aliquando ubi
ob impudicitiam vel scelus repudiabantur uxores acer-
bior expulſionis formula fuerit, uti illa Petronij in saty-
rico. *Quia fidem scelere violasti, & communem amicitiam, res
tuas ocius tolle & alium locum, quem polluas quære*, in procli-
vi est colligere, in divortio bona gratia mitioribus verbis
utendum fuisse, cum bonâ veniâ & dulciter hic discesse-
rint.

XXXII,

Effectus quod attinet, hodie cùm juxta Evangelicam

revelationem Matth. cap. 5. vers. 32. & cap. 19. vers. 7. etf. prior: Epist. ad Corinth. cap. 7. vers. 15. matrimonium saltem adulterio & malitiosa desertione solvatur, concidunt ferè omnes modi superius recensiti, atque etiam illi, de quibus celebris lex Theodosiana *s. C. de repud. agit.* Et primò quidem, sine ulla penitus causa divertere, jam Iustinianus prohibuit. 2. ob monachismum apud nostrates dissolutio matrimonij non amplius frequentatur. *Rittersh. Expos. Nov. part. 4. cap. 7. n. 9.* 3. Neque ob deportationem. 4. Neque banno Imperiale hodie solvitur matrimonium. 5. De servitute, cum illa inter Christianos cesset, supervacanea est quæstio. 6. Senectus idem, & 7. Sterilitas (nisi illa forte ex impotentia totius triennij proficiascatur *Rittersh. d. l. n. 10. in fine. Carpxon. Iprud. Consistor. lib. 2. defin: 200.* ubi tamen potius matrimonium ab initio nullum fuisse declaratur) legitimæ causæ non sunt, & jam olim quoque in horum numerum non amplius relata. Præterea ob captivitatem & miliciam (de hac tamen videatur sup. th. 17.) non solvitur matrimonium, nisi malitiosa desertio accesserit.

XXXIII.

De impotentia saltem hoc notari meretur, quod vel sciverint eam contrahentes, vel ignoraverint: illo casu matrimonium non dirimitur, ideoque qui ut conjuges se invicem habere nequeunt, haberi debent ut fratres & sorores cap. 4. extra de frig: & malef. Altero casu vel ante contractum adfuit frigiditas, vel supervenit: si antegressa est, constare de ea imprimis debet; & si vel initio certa est, vel per usurpatam continuo triennio cohabitationem *Nov. 22. cap. 6. cap. 1. & cap. 5. d. t.* atque tum uterque una cum septem ex propinquis debilitatem juramento asseruerint

ruerint, matrimonium non tam solvitur, quam irritum fit & pro nullo declaratur. d. c. laudabilem & cap. 7. extra de frig. & malef: Conjugium enim non modo in conjunctione animorum, sed & corporum seu copulam dirigitur arg. cap. 2. d. t. indeque altera pars, siquidem continere nequit, ad alia vota transire, potest. *1. 1. extra de frig. & malef: vid Carpz. Iprudens. Consistor: lib. 2. defin. 200.*

XXXIV.

Hoc autem verum quoque est si arte Magica impotentiae vitium contractum est, Vid. c. fin: extra de frig: & malef. & c. fin. c. 33. quæst. 1. cumque ita perinde sit, ac si matrimonium ab initio contractum non fuisset, neque uxor neque vir hinc intelligi poterunt arg. §. 12. *inst. de nuptiis. & l. 30.* Quando dies legat: ideoque & lucrum ex pactis dotalibus, nec non quod aliàs conjugii quali, ex statuto interdum debetur, hinc non consequitur, sed dotis causa datum ad putativam uxorem, & donationis propter nuptias nomine præstitum ad putativum virum revertitur claro textu l. 10. C. de repud: Nov. 22. cap. 6.

XXXV.

Quamquam verò matrimonia illa irrita sunt, de quibus modò dixi, non tamen ideo privato arbitrio partes ab invicem discedent. Quia enim consciâ Ecclesiâ sunt atque incuntur conjugia, non æquum & honestum duntaxat, sed etiam necessarium est, publicam eandemque exactam causarum cognitionem intercedere: & privata divortia usque eo damnantur, ut qui non expectata iudicum sententia alteram duxerit, meritò separetur, tantisper saltem, dum cognitum de controversia fuerit: nec etiam si causam postea probaverit, prius ad uxorem temerè super inductam redire sinatur, quàm culpam offendiculi

deprecatus, Ecclesiæ satisfecerit. vid. Bezam. de repud. & divort. pag. 280.

XXXVI.

Competens in hac causa iudex est Magistratus ecclesiasticus Beza. d. l. sive Magistratus quantumvis secularis, qui iura consistorialia habet, isque adhibitis in consilium Theologis & Iureconsultis controversias matrimoniales dijudicat. Remedium quod in casu impotentiae competat, putem esse implorationem nobilis officij iudicis pro declaratione nullitatis. vid. Harprecht. ad §. sunt & aliae. Iust. de nupt: n. 147. vide quoque Mascard: vol. 2. de probat. conclus. 188. Poterunt de hac causa divortij videri fusius Dedekeni: consil. vol. 3. lib. 4. sect. 6. per tot: *Arnif: de jure connub. cap. 6. sect. 8.* Carpz. *Iprudent* Consistorial: lib. 2. defin. 200. Thom: Sanchez tom. 2. de matrim: lib. 7. disput. 92. & aliquot seq. Harprechtus ad §. sunt & aliae Institut. De Nuptiis, ubi optimum consilium Facultatis juridicae Tubingensis exhibet. Nos dissertationi huic, Triuni Deo gratias agentes, facimus

F I N E M.

CORO.

COROLLARIA

*Quæ quondam licet à nobis publicè affixa sint,
ventilata tamen non fuerunt.*

- I. Holsatiæ Constitutio Haderslebiensis, de fide ob contractum debitum datâ ad obstaginum, sub iactura honoris & poenâ perpetuæ infamiæ, strictè servandum, injusta non est.
- II. Ut incendium ita & exantlatum tricennale bellum Germanicum ære alieno non exuit debitorem.
- III. Nova Imperij Constitutio ad §. De indaganda Instrum. Pacis edita eum in aliquibus rectè exuit, & iusta & æqua est.
- IV. Ordinatio publicata in vicinò Archiepiscopatu Magdeburgensi, non absque ratione opitulatur omnibus in universum illius provinciæ ordinibus & subditis, debitoribus, licet ex bello solvendo esse haud desierint.
- V. Et tamen rectè per dictam Imperij legem nulli admittuntur quàm qui bello ad inopiam redacti sunt.
- VI. Qui ergo sese pauperem factum non probaverit, jure merito excluditur.
- VII. Ex iusta causâ debitor in diem cogi potest ad præstandam cautionem de solvendo die adveniente.

II. X. Iuramentum sex aut duodecim sacramentalium
vel compurgatorum, septentionalibus qui-
busdam populis hodie quoque usurpari solitum,
valde periculosum est, nec facile admittendum.

Quam benè cedat opus quàm præmia larga sequan-
tur,

*Si quæ quis didicit, crebro post excolat usu,
(Omnia quo sine cassâ; frequens juvat actio multum.)*

*HAKIVS exemplo nobis, quem tot vigilatæ
Attenuant noctes, dum civica jura revolvit,
Dum versat libros, ut divitis excolat arte
Ingenii dotes, usu firmetq; frequenti.*

*Auditus pridem cum dulcia solveret ora
Applausu summo caibedrâ discessit, & illam
Rursus adit, dextre q; parat nunc scindere nodos
Iuris: & his bellis placidis occumbere nescit.*

*Maeste Vir, Astrææ felici sœdere jungis
Musam flexi loquam; pauci quos æquus Apollo
Extulit ad tantæ dignos vestigia laudis.*

*Restat, ut agricolis nunc plena dat horrea messis,
Conspicuos Astræa Themis tibi donet honores,
Mox & civili cingat tua tempora Lauro,
Sicque brevi laudis consurgat messis optima.*

Quod benevolo adfectu vov.

S. Lappen.